

BAHAGIAN A Soalan Objektif

Praktis 1 Seloka Santap Istiadat

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Santap Istiadat

Santap beradat, santap istiadat,
Santap raja di majlis kebesaran,
Santap merai, hormat-menghormat;
Bukan santap hendakkan kenyang,
Santap santun dengan aturan.

Nasi disuap di tangan kanan,
Lauk dibinjat sopan siuman,
Sampai ke mulut *mamah perlahan*,
Tanda tidak gelojoh makan.
Selesai santap nasi
Diiringkan seteguk minuman,
Isyarat menghormat, mulia-memuliakan.

Santap nasi suap pertama,
Berturut dengan suap kedua;
Dua suap, ketiga sudah,
Keempatnya basuh tangan;
Kelima halwa juadah,
Keenam mengiring buah-buahan.

Ketujuh berkumur-kumur,
Ke delapan makan sirih;
Kelat jatuh ke rengkungan,
Seri naik ke peroman.

Itulah santap beradat kebesaran
Di dalam riwayat zaman yang silam.

Dipetik daripada antologi *Bintang Hati*,
Tingkatan 3, Kementerian Pendidikan Malaysia

- 1 Rangkai kata *mamah perlahan* bermaksud
A kemam lama-lama.
B gigit sikit-sikit.
C telan cepat-cepat.
D kunyah lambat-lambat. Mentafsir Aros R

- 2 Itulah santap beradat kebesaran
Di dalam riwayat zaman yang silam.

Berdasarkan baris seloka di atas, apakah peribahasa yang sesuai?

- A Buang yang keruh, ambil yang jernih
B Di mana ada kemahuan, di situ ada jalan
C Kecil tapak tangan, nyiru ditadahkan
D Hidup dikandung adat, mati dikandung tanah Mentafsir Aros R

- 3 Apakah nilai yang terdapat dalam rangkap ketiga seloka di atas?
A Kerajinan
B Kejujuran
C Kesederhanaan
D Keyakinan Memahami, Menganalisis Aros S

- 4 Berdasarkan seloka, apakah tujuan santap beradat?
A Menghargai raja
B Mengajar rakyat
C Meraikan tetamu
D Mengisi perut Memahami, Menganalisis Aros S

- 5 Pilih pernyataan yang **tidak** benar.
A Nasi disuap dengan tangan kanan.
B Lauk diangkat secara perlahan.
C Berkumur-kumur selepas makan sirih.
D Makan juadah halwa selepas membasuh tangan. Menganalisis, Menyusun Aros T